



30 Ogos 2017
30 August 2017
P.U. (A) 252

WARTA KERAJAAN PERSEKUTUAN

FEDERAL GOVERNMENT GAZETTE

KAEDAH-KAEDAH CUKAI PENDAPATAN (ELAUN MODAL DIPERCEPAT) (KELENGKAPAN AUTOMASI) 2017

INCOME TAX (ACCELERATED CAPITAL ALLOWANCE) (AUTOMATION EQUIPMENT) RULES 2017

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA CUKAI PENDAPATAN 1967

KAEDAH-KAEDAH CUKAI PENDAPATAN (ELAUN MODAL DIPERCEPAT)
(KELENGKAPAN AUTOMASI) 2017

PADA menjalankan kuasa yang diberikan oleh perenggan 154(1)(b), dan perenggan 10 dan 15 Jadual 3 kepada, Akta Cukai Pendapatan 1967 [*Akta 53*], Menteri membuat kaedah-kaedah yang berikut:

Nama dan permulaan kuat kuasa

1. (1) Kaedah-kaedah ini bolehlah dinamakan **Kaedah-Kaedah Cukai Pendapatan (Elaun Modal Dipercepat) (Kelengkapan Automasi) 2017**.

(2) Kaedah-Kaedah ini disifatkan telah mula berkuat kuasa mulai tahun taksiran 2015.

Tafsiran

2. Dalam Kaedah-Kaedah ini—

“kelengkapan automasi” ertinya apa-apa loji atau jentera yang digunakan secara langsung dalam projek yang layak yang mengguna pakai teknologi yang lebih maju daripada teknologi semasa yang digunakan oleh syarikat yang layak;

“perbelanjaan modal yang layak” ertinya suatu perbelanjaan modal yang berhubungan dengan kelengkapan automasi yang digunakan di Malaysia semata-mata bagi tujuan menjalankan suatu projek yang layak;

“projek yang layak” ertinya suatu projek yang diusahakan oleh suatu syarikat yang layak untuk memodenkan atau mengautomasikan aktiviti pengilangannya yang sedia ada bagi sesuatu produk;

“syarikat yang layak” ertinya syarikat yang disebut dalam perenggan 3(a).

Pemakaian

3. Kaedah-Kaedah ini hendaklah terpakai bagi—

(a) syarikat yang layak yang memenuhi syarat yang berikut:

(i) yang diperbadankan di bawah Akta Syarikat 2016 [*Akta 777*] dan bermastautin di Malaysia;

(ii) yang melibatkan diri dalam aktiviti pengilangan selaras dengan Akta Penyelarasan Industri 1975 [*Akta 156*];

(iii) yang memegang suatu lesen perniagaan yang dikeluarkan oleh pihak berkuasa tempatan yang berkenaan;

(iv) yang telah menjalankan projek yang layak untuk tempoh sekurang-kurangnya tiga puluh enam bulan;

(v) yang telah melakukan perbelanjaan modal yang layak—

(A) berhubung dengan syarikat yang layak yang menjalankan projek yang layak yang berhubung dengan getah, plastik, kayu, perabot dan tekstil, dalam tempoh asas bagi tahun taksiran 2015 hingga tahun taksiran 2017; atau

(B) berhubung dengan syarikat yang layak yang menjalankan projek yang layak selain yang dinyatakan dalam subsubperenggan (A) sebagaimana yang ditentukan oleh Menteri, dalam tempoh asas bagi tahun taksiran 2015 hingga tahun taksiran 2020; dan

(vi) yang telah membuat permohonan untuk elaun modal melalui Lembaga Pembangunan Pelaburan Malaysia yang ditubuhkan di bawah Akta Lembaga Pembangunan Pelaburan Malaysia (Pemerbadanan) 1965 [*Akta 397*]—

- (A) berhubung dengan syarikat yang layak yang disebut dalam subsubperenggan (v)(A), pada atau selepas 1 Januari 2015 tetapi tidak lewat daripada 31 Disember 2017; atau
 - (B) berhubung dengan syarikat yang layak yang disebut dalam subsubperenggan (v)(B), pada atau selepas 1 Januari 2015 tetapi tidak lewat daripada 31 Disember 2020; dan
- (b) kelengkapan automasi yang telah diperakui oleh Ketua Pengarah Institut Standard dan Penyelidikan Perindustrian Malaysia sebagai mengguna pakai teknologi yang lebih maju daripada teknologi semasa yang digunakan oleh syarikat yang layak.

Peruntukan menyifatkan yang berhubung dengan perjanjian sewa beli

4. Jika syarikat yang layak yang disebut dalam kaedah 3 melakukan perbelanjaan modal yang layak di bawah suatu perjanjian sewa beli bagi pembelian apa-apa kelengkapan automasi bagi maksud perniagaannya—

- (a) syarikat yang layak itu hendaklah dikira sebagai tuan punya kelengkapan automasi itu; dan
- (b) perbelanjaan modal yang layak yang dilakukan oleh syarikat yang layak itu dalam tempoh asas bagi suatu tahun taksiran hendaklah dikira sebagai bahagian modal daripada apa-apa bayaran ansuran atau, jika terdapat lebih daripada satu bayaran, daripada agregat bayaran yang dibuat oleh syarikat yang layak itu di bawah perjanjian sewa beli itu dalam tempoh asas itu.

Elaun permulaan

5. Elaun permulaan yang diperuntukkan dalam perenggan 10 Jadual 3 kepada Akta yang layak dituntut oleh syarikat yang layak adalah bersamaan dengan—

- (a) berhubung dengan syarikat yang layak yang disebut dalam subsubperenggan 3(a)(v)(A), satu per lima daripada empat juta ringgit yang pertama perbelanjaan modal yang layak yang dilakukan oleh syarikat yang layak itu; atau
- (b) berhubung dengan syarikat yang layak yang disebut dalam subsubperenggan 3(a)(v)(B), satu per lima daripada dua juta ringgit yang pertama perbelanjaan modal yang layak yang dilakukan oleh syarikat yang layak itu.

Elaun tahunan

6. Elaun tahunan yang diperuntukkan dalam perenggan 15 Jadual 3 kepada Akta yang layak dituntut oleh syarikat yang layak adalah bersamaan dengan—

- (a) berhubung dengan syarikat yang layak yang disebut dalam subsubperenggan 3(a)(v)(A), empat per lima daripada empat juta ringgit yang pertama perbelanjaan modal yang layak yang dilakukan oleh syarikat yang layak itu; atau
- (b) berhubung dengan syarikat yang layak yang disebut dalam subsubperenggan 3(a)(v)(B), empat per lima daripada dua juta ringgit yang pertama perbelanjaan modal yang layak yang dilakukan oleh syarikat yang layak itu.

Ketidakpakaian

7. Kaedah-Kaedah ini tidak terpakai bagi suatu syarikat yang layak jika dalam tempoh asas bagi suatu tahun taksiran—

- (a) syarikat yang layak itu telah diberikan apa-apa insentif di bawah Akta Penggalakan Pelaburan 1986 [Akta 327];